

[3.]

IN
GVIL. PARRY PRODITOREM
Ode & Epigrammata.



OXONIAE,
Ex Officina Typographica Iosephi Barnesij, Celeberrima
Academiae Typographi.
1585.



AD LECTOREM TYPOGRAPHVS.

QUæ non inuitâ nostri scripsere Mineru,
Inuitis illis dant mea præla tibi.





*INPRODITOREM SERE-
NISSIMAE REGINAE ELIZABE-

thæ cædem machinaturum, Ode 1.

Quaes columba vel: uris unguibus
Vix liberata, faucibus aut lupi
Iam nuper erepta, pauores
Esse solent trepidantis agnæ:

Tales Elisa pectora candida
Sensere nuper vulturis & lupi,
Mortisq; pulso vix timore
Agnæ pæuet, trepidat q; turtur.

Quàm pene nostri per scelus & nefas
Extincta lux est unica seculi?
Quàm penè sol nostri orbis, alto
Decid:rat speciosus axe?

Periure (si te nomine simplici
Fas est vocari, crimine quodlibet
Vincente probrum, nam paterno
Nomine, quid maculem camenæ?)

Spelunca qua te denia Cambria
Sub monte duro, qua fera tetrrior
Produxit infamem, in beati
Dedecus, opprobriumq; regni?

Crudele mentem robur, & as triplex
Communiebant, & silices tuam,
Tam molle pectus cum parabas
Horribili terebrare ferro.

A. 2.

Quis

*Quis iste mos est, Barbare, virginum
Libare sano pectora vulnere?
Præsigna sensit mitiorem
Cum gravidam tibi ferret aluum.*

*Præfuit olim qui pugio tuus
In creditoris sanguine subditi,
Iam victimam spernens minorem,
Imperij caput expetebat.*

*Quis deprehensi te sceleris grauat,
Et pungit horror? quæ furia premunt?
Hæc pœna prima est, quam nefandi
Supplicium capitis sequetur.*

*Iuravit omnis perniciem in tuam
Constricta Divis Anglia, quæ miser
In te redundant: quid moraris
Morte citâ patriam leuare?*

*Vt cesset omnis patria, me tamen
Placabis unquam? non ego perfidum
Dixi sacramentum, nec in te
Carnificis maculam verebor.*

*En discæ dotes quò recidunt bonæ,
Divina si quem gratia deserit:
Odere Divi grande quamvis
Ingenium, pietatis expers.*

*¶ In serenissimam Reginam Elizabetham ab im-
minenti cædis periculo servatam, Ode 2.*

*I**lla natali mihi luce lux est
Gratior quamvis habuit timores,
Quæ tua vita capitiq̃, Elisa,
Prodidit Hostem.*

IIIa

*Ille tibi mihi luce peior
enerat multo, nigriorq; nocte,
In tuum si non caput imminentem
Viderat hostem.*

*Quam propè inferni modo Ditis atrium
Videras regnum, gelidâq; manes
Morte defunctos, nisi reppulisset
Iuppiter ictum?*

*Iuppiter regum pater atq; custos,
Cui salus cura est tua, eritq; posthâc,
Qui tuo sanum iugulo retor sit,
Perfide, ferrum.*

*Ergo cessamus pia tam benigno
Thura cum votis adolere Divo?
Ergo cunctamur pia victimarum
Cadere colla?*

*Extruant adem procures sacratam,
Maectet armentum generosa turma,
Quisq; plebeius medietur albi
Velleris agnam.*

*Par columbarum mihi munus esto,
Prater albentem populi bidentem:
Hac ego grata cumulabo mentis
Carminè dona.*

*Hauriam centum cyathos, & ultra,
Iam nimis dici levis haud verebor,
Iam furor dulcis, benè liberatâ
Funere Elisa.*

*Audiat cælum iuvenes senesq;
Audiant montes populum patresq;
Quisq; dum claro sonat ore, viuat,
Viuat Elisa.*

A.3.

Anferas

*Auferat dulces mihi mors parentes,
Auferat fratres, patrum, & sororem,
Perferam casus patienter omnes*

Sospite Elisā.

*Protrahat longam Deus his senectam,
Nil ego vita bona nil morabor,
Si qua vis duri volenta fatis*

Tollat Elisam.

*Haud siem felix sine te, nec unquam
Sim miser tecum, mea vita morsq;
Vixeris, vinam: moreris, moriq;*

Expedi vna.

*O Deum, princeps hominumq; rector,
Prepotens numen pariterq; mite,
Hac tui quæso pia vota clemens*

Supplicis audi.

*Deme ter denos precor eius annis,
Adde quos nostris, iuvenescat illa
Sic statim, adiectis ego sic senescam*

Rectius annis,

*Illam lux tarde veniat, meoq;
Serius seculo, nec in insequenti,
Quam pares diuam superis beare*

Elisabetham.

¶ *Ad serenissimam REGINAM ELIZABETHAM
ut bonum animum habeat, & timere tandem
desinat, Ode 3.*

R *egina, tandem pone metum precor,
Confide regno strenua prospero:
Non agna sis, quem fugit, hostem
Accipitremne times columba,*

Hæc

*Haec ut recuset ponere nidulum,
Aut illa nolit ludere pascuis;
Non cerna semper vel molossus
Tendiculae suae panet dolosae.*

*Crescat periculum: mens tibi celsior,
Insurgereibus feris in asperis,
Nec virgo tam sis quam virago,
Foemineis valeant timores.*

*Ter stringat enses proditor impium,
Ter strictus ensis de manibus suet,
Ter pallor occultos furores,
Ter facinus stupor occupabit.*

*Regum supremo nobilium a Ioue
Ducuntur ortus, cuius imaginem
Gestare qui iussit, illam
Progeniemque suam tnetur.*

*In quos patravi grande nefas, Deus
Qui sacra fecit corpora, non finit;
Queis alta maiestas tributa est
Haec manibus violanda sanis.*

*Dextrum sagitta mille laetus tuum
Cingant, sinistro mille cadant decem,
Intacta stabis, nec vel una
Virgineos temerabit artus.*

*Utramque in aurem suauiter integros
Iam carpe somnos, numine cum Dei
Secura, tum charo fidelis
Et populi et procerum favore.*

*Præstabit omnem Cæcilius fidem,
Almaque pacis munia diriget:
Fratresque Dudley, ferocis
Expedient violenta belli.*

Quid

Quid robur ingens nobilium loquar
 Prolem? parentes qua redimit suos,
 Iam iamq, factis anteire
 Nati aquilis aquila mimentur.
 Sic bellicosum Clinton auum refert,
 Lincolnia spes, iamq, patris heres
 Cum fratre Gualtero inorto
 Sic minor & Deuereux perizos.
 Quos inter omnes Syderis in modum
 Fulget Philippus grande Equitum decus
 Sydneius, & vires Elisa
 Ingenij vinct atq, dextra.
 Pars subditorum non ego pessima,
 Vnum precabor: Regia ut exulet
 Cuicumq, dotes Di dedere
 Ingenuas, pietate cassas.





❖ IN GVIL. PARRY PRODITOREM,
cum ob consilium de regina e medio tollendâ
deprehenſus in crucem tolleretur.

Parry parem ingenio cum non agnosceret unum;
Non unum voluit crimine ferre parem.
Parry, parem meritis cum vix agnosceret orbem;
Orbi, Reginam nollet in orbe, parem.
Parry, parem sceleri cum non offenderet horam;
Horam habuit sceleri discutiendo parem.
Parry, parem legi cum nollet ducere vitam;
Accepit mortem legibus ille parem.
Ante pares; sine, Parry, pari, cum pendeat omnes;
Succedant omnes, quos habet ille pares.

¶ In eundem cum antea Hugonem Hare creditorem
grauiter vulnerasset.

Non explere sitim poterat tibi sanguinis Harui?
Sanguine Regina quod cupis esse satur?
In leporem quicquid poteras audere: leonem
Irritare tua non sine morte potes.

¶ In eundem cum antea morti damnatus principis
misericordiam expertus esset.

Vsuram vita damnato qua dedit; illi
Vsuram vita, quam dedit ipsa, negas?
Sic bene latrones faciunt; qui liberat illos
Carcere, latrones experietur eos.

¶ In

¶ In eundem.

Qua dederat secura fidem tibi, qua pia vitam;
Quaeq; domi ornarat gratia, honore foris:
Fallere eperiure, fidem? rapere, impie, vitam
Ausus es? ingratum gratia summa facis?
Quid tibi, quid tantum potuit promittere Roma,
Ut sceleris Capiti sis scelerata manus?

¶ De eodem.

Parry, Pape sceleris capiti benè dextera factus;
Scilicet hic terra filius: ille pater.

¶ De eodem.

Cui patris obscurum nomen, genus, omnia: mater
Plane ignota foret, ni notha nata foret:
Parry sibi nomen finxit, patris illud ap Harry
Non placuit; matrem verius ille refert.
Scilicet ut nata est in dedecus illa parentis:
Sic satius in patria dedecus iste sua.

¶ De eodem.

Parry animo Roma, sed terra filius ortu,
Regnatus meritis inferiora suis;
Est ausus facinus gyris & carcere dignum,
Posset ut esse aliquis qui sibi nullus erat:
Quo tamen est factus, velut olim Herostratus, Heros,
Qui templum incendit, casta Diana, tuum:
Uno namq; modo fama studuere: cremato
Virginis is templo, virginis iste nece.

¶ In eundem.

Wallia te peperit iuravit Gallia Pape,
Isala te sceleri gens dedit, Angla cruci.

In

¶ In eundem.

Quod Regina, scelus; scelus est, quod virgo petatur;
Quod pia virgo, scelus, quod tibi grata, scelus:
Cum virgo, Regina, pia, & tibi grata petatur:
Proh scelus, est, superet quod scelus omne, scelus.

¶ In Anglo Romanos.

Fallor? an, Argivis, qua mens & fata fuerunt,
Anglo Romanos fataq;, mensq;, manens?
Graca illos traxit meretrix ad mœnia Troia,
Romam istos meretrix de Babylone trahit.
Par causa amborum; sed culpa, reducere, maior
Pulsam, quàm raptam vi, renocare domum.
Annum illi decimum videre ad mœnia Troia;
Ter decimum nostri iam superare parant:
Vis ubi non valuit, fraude instruxere Sinonem;
Mille isti instructos fraude Sinonis habent:
In Patriam reditum negat illis ventus & aura;
His reditum in patriam, ventus & aura negant:
Miserunt illi scitatum oracula Phœbi,
Romanum nostri consulere papam.
Sanguis ijs placat ventos & casa virago;
His faciles ventos casa virago daret:
Sed prius illa ruet meretrix Babylonica; quàm non
Qua neget his reditum, virgo superstes erit.

¶ In Papam.

Quis putet hunc servum nati de virgine Christi;
Virginis in cadem qui dabit arma suis?
Quis ferat hunc regem regum & Dominum dominantem,
Imperium imperio qui premit omne suo?

Sed

*Sed jremat vsq, licet, regem, Anglis, virgine natum
Regina & virgo, qua tueatur, erit.*

¶ Ad Sereniss. Reginam Elizabetham
Apostrophe.

M *Alte animo, regina potens; virtute, virago;
Consilio prudens; religione, pia.
Qui tibi sic toto diuisit ab orbe Britannos,
Vis ut nulla tuum frangat aperta statum.
Tot tibi, tot vigiles hac illac flectit ocellos,
Fraus ut nulla tuum tangat amica sinum.
Virgine qui natus, renouet tibi virginis annos,
Virgo, tuâ pendat nostra, salute, salus.*

FINIS.



